

3

ԹԵՄԱ

Հայկական թագավորությունները Ք.Ճ.ա. II-I դդ.

Դաս 21 Մեծ Հայքի Արտաշեսյան թագավորության ձևավորման պատմաաշխարհագրական միջավայրը, հիմնադրումը

Գիտե՞ք, որ...

- Մագնեսիա քաղաքի մոտ տեղի ունեցած ճակատամարտում սելևկյան զորքերի թիվը կրկնակի գերազանցում էր հռոմեական զորքին և ուներ 50 մարտական փղեր: Սակայն կարգապահության բացակայության պատճառով սելևկյան բանակը պարտություն կրեց:
- Ըստ Հյուբշմանի՝ Արտաշեսի և Զարեհի օրոք Հայաստանն իր մեջ ընդգրկում էր Մեծ Հայքի 15 նահանգից 13-ը:
- Անտիոքոս III-ը իր արշավանքն սկսել է Ծոփքի թագավորությունից, որտեղ Քսերքսեսը շարունակեց մնալ որպես Ծոփքի թագավոր՝ ամուսնանալով Անտիոքոսի քրոջ՝ Անտիոքիսի հետ:

Զարեհ Երվանդունի

Ասքն ասում է, որ Ծովիքի Զարեհ թագավորը եղել է անսրցելի նժույգավար: Առանց իր սևուկ նժույգի, նա ոչ մի ընկանակ գինի չի խմել: Ընկանակը մոտեցնում էր նժույգի ռունգներին, որն ասես հուր էր քաշում, և եթե գինին թունավորված լիներ, անմիջապես խրխնջում էր: Այդ է պարճառը, որ ժամանակակիցների համար խրատանի էր դարձել Զարեհի սիրած խոսքը.

- Իմ նժույգի խրխնջը հավատարմության նշան է:

Դաս 22-23 Արտաշես I-ի պետականակերտոս և միավորիչ գործունեությունը

Գիտնք, որ...

- Արտաշես I-ը և Սաթենիկ թագուհին ունեցել են վեց որդի՝ Արտավազդ, Վրույր, Մաժան, Զարեհ, Տիրան, Տիգրան: Նրանցից երկուսը՝ Արտավազդը, Տիրանը (Տիգրան I) հաջորդաբար թագավորել են հորից հետո:
- Արտաշես I-ը հայոց քրմապետ է նշանակել իր որդի Մաժանին:
- Արտաշես I-ի հայրնաբերված շուրջ 20 սահմանաքարը լիովին համապատասխանում են Մ. Խորենացու նկարագրած քարերին, ինչը մեկ անգամ ևս ապացուցում է պարմահոր գրած պարմության ճշմարտացիությունը:
- Ժողովրդական հին վեպի համաձայն, Արտաշես I-ի դագաղը, թագը և զենքերը ոսկեղեն էին, իսկ գահույքը, անկողինը և պարմուձանը՝ ոսկեթել բեհեզից:
- Արտաշեսը սիրում էր Վանա լճի գեղածիծաղ ափերը և շինում է այնպեղ Արտամետ քաղաքը, որտեղ Սաթենիկ թագուհու համար կառուցում է աշնանային պալատ՝ այն զարդարելով պարբերակներով, ձեւուղիներով ու ծաղկասարաններով:

Լրացուցիչ նյութեր

Արտաշեսի խնդությունը

Ասում են՝ Արտաշատ մայրաքաղաքն օղակող պարիսպների կառուցումն ավարտելուց հետո Արտաշեսը մեծ խնջույք է կազմակերպել, որի ժամանակ մարդիկ գինու գավաթներն իրար են զարկել ու ասել՝ Ար-տա-շա-շատ, Ար-տա-շա-շատ, այսինքն՝ Արտաշեսի ուրախություն կամ խնդություն, Արտաշեսն ու իր կառուցած մայրաքաղաքը թող միշտ ուրախության օրեր ապրեն: Ահա այդպես Ար-տա-շա-շատ, Ար-տա-շա-շատ ասելով, քաղաքը կոչվեց Արտաշատ: Հետագայում այդ անունը սեղմվել ու դարձել է Արտաշատ:

Արտաշես և Սաթենիկ

Խորենացու մոտ պահպանված այս զրույցը պատմում է, որ այսօրվա օսերի նախնիները՝ ալանները, ներխուժում են Հայաստան: Արտաշեսը հաղթում է ալանական զորքին և գերի վերցնում ալանների պատանի արքայազնին: Ալանների թագավորը բանակցություններ է սկսում՝ պատանուն ազատելու համար, բայց ապարդյուն: Այդ ժամանակ մեծ գեղի ափ է դուրս գալիս ալանաց թագավորի աղջիկը՝ գեղանի Սաթենիկը, ով կանչելով հայոց թագավորին, թարգմանի միջոցով խնդրում է ազատել իր եղբորը: Արտաշեսն առաջին հայացքից սիրահարվում է Սաթենիկին, որոշում է փախցնել նրան:

Հին ժամանակներում առևանգումն ամուսնության օրինական ձև էր: Արտաշեսը հեծնում է իր սև գեղեցիկ ձին, արծվի նման անցնում գեպը, հանում է կարմիր կաշվից շինած պարանը, որը ծայրին ոսկե օղ ուներ, նետում է ալանաց օրհորդի մեջքին և ցավեցնելով նրա փափուկ մեջքը, նրան հասցնում է իր բանակը: Սրան հաջորդում է հարսանիքը:

Շքեղ էր հարսանիքը հայոց երկրում. «Ոսկե անձրև էր գալիս Արտաշեսի փեսայության ժամանակ, - ասվում է վիպերգում,- մարգարիտ էր անձրևում Սաթենիկի հարսնության ժամանակ»: Հայոց մեջ սովորություն էր, որ թագավորն ու թագուհին հարսանիքի ժամանակ ոսկե դրամ ու մարգարիտ էին ցանում պալատի դռանը հավաքված հանդիսականների մեջ:

Դաս 24 Տիգրան II Մեծը և Հայկական աշխարհակալ տերության ստեղծումը

Գիտե՞ք, որ...

- Երբ Տիգրան Մեծն Անտիոքում գահ բարձրացավ, սելևկյան մայրաքաղաքն ուներ շուրջ 500 հազար բնակչություն: Այստեղ հայոց թագավորի պատկերով հարվում են ոսկե և արծաթե դրամներ:
- Ք.ծ.ա. 72-71 թթ. սահմանագծին, Սպարտակի ապստամբությանն աջակցելու համար, Տիգրան Մեծը հեծելազոր է ուղարկել Իփրալիս, որը ռազմական դրվագներից մեկում վճռական դեր խաղալուց հետո պարտվել է:
- Փյունիկիայի քաղաքներն ի նշան երախտագիտության, իրենց քաղաքային փրոնարն սկսում են հաշվել Ք.ծ.ա. 81 թվականից, երբ Տիգրան Մեծը դրանց ինքնավարության իրավունք շնորհեց:
- Միհրդատ VI-ի դուստր Կլեոպատրան, ում հետ ամուսնացավ 46-ամյա Տիգրան Մեծը, ընդամենը 16 փարեկան էր:

Լրացուցիչ նյութեր

Թող հավերժի Հայքը

Մի անգամ հույն գրող Մեգրոդորոս Սկեփասցին, ով ապրում էր հայոց արքունիքում, դիմում է Տիգրան Մեծին և ասում.

Արքայից արքա, հայկական նժույգների խրխնջյունը քո փառքն ավելի հեռու փարան, քան Մասիսի կարարից բացվող փեռածիրները: Ասրվածները բարեհաճ եղան քո հանդեպ և այս աշխարհում դու հասար ամեն ինչի: Ինչ կուզենայիր, որ հավերժեր քեզանից հետո՝ քո աշխարհացունց հաղթությունների փառաբանությունն ու ասրվածների բարյացակամությունը, թե գանձալեցուն քո ամրոցները:

Այդ ամենի փոխարեն կուզենայի, որ ինձնից հետո հավերժեր Հայքը,՝ պատասխանում է արքայից արքան:

Դաս 25 Հայկական աշխարհակալ տերության սահմանները, տարածքը, բնակչությունը, կառավարման համակարգը և բանակը

Գիտե՞ք, որ...

- *Հռոմեացիները Տիգրանակերպն անվանել են Մարտիրոսյուլիս, արաբները՝ Մայաֆարկին, իսկ հայերը հաճախ անվանել են Նիրկերպ:*
- *Տիգրանակերպը գրավում էր երեք կարևոր ճանապարհների խաչմերուկում: Դրանցից մեկը քաղաքը միացնում էր Դարեհ I-ի կառուցած «Արքայական ճանապարհի» հետ, մյուսը՝ Տիգրանի կառուցած «Արքունի պողոտան» միմյանց հետ էր կապում Արտաշատը, Տիգրանակերպը և Անարիոքը, իսկ երրորդը՝ Սասունի լեռնային շրջաններով գնում էր Արածանիի հովիտը և առավելապես համարվում էր ռազմական ճանապարհ:*
- *Հայկական ներսու աղեղների մասին Դիոն Կասիոսը Արածանիի ճակատամարտի կապակցությամբ գրում է, որ հռոմեացի զինվորների «վերքերը ծանր էին և դժվար բուժելի, քանզի նրանք գործածում էին երկծայր ներսեր: Դրանց ծայրերն այնպես էին իրար ագուցված, որ ներքերը թե՛ մարմնի որևէ մասում մնալու և թե՛ դուրս քաշելու դեպքում արագորեն սպանում էին, որովհետև երկայթյա ծայրերից մեկը, որը չէր ամրացված, մնում էր վերքի մեջ»:*

Լրացուցիչ նյութեր

Տիգրան Մեծը զվարճանում է

Մի անգամ նորակառույց Տիգրանակերպում շարակերների մրցույթ է կազմակերպվում: Արքայից արքային զվարճացնելու համար այստեղ էին հավաքվել Հայքի բոլոր կողմերի որկրամոլները: Մեկն ասում է, թե կարող է տասը հավ ուրել՝ ոսկորներն էլ հեղրը, մյուսը՝ երկու խաշած գառ, երրորդը՝ խորոված մի եղջերու, չորրորդը՝ մի տիկ գինի խմել: Մեկն էլ ասաց, որ պատրաստ է ուրել 12 կլորակ մեծ հաց:

Այս մեկը չեղավ, – գայրացավ արքայից արքան, – մարդ կարող է ամեն տեսակ ուրելիքով ու հեղուկով լցնել իր սրամոքսը, բայց հացով գերլցնելը հանցագործություն է: Հացով մարդը պետք է հագեցնի միայն իր օրվա քաղցը: Չափավորությունն ամենից շար պիտի երևա հենց այս քանում: Հացը կարատում են ամբարում, այլ ոչ թե մարդկային սրամոքսում:



*Արքայից արքա Տիգրան Մեծը՝ շրջապատված 4 վասալ թագավորներով,
նկարիչ՝ Զ. Ֆուլարո*

Դաս 26 Հայոց պետությանը սպառնացող մարտահրավերները. Արտաշատի պայմանագիրը

Գիտե՞ք, որ...

- Հռոմեական զորավար Պոմպեոսը Տիգրան Մեծին դիպրում էր որպես սիրիական թագավորության վերջին արքա՝ ճանաչելով նրա թագավորելու օրինականությունը:
- Պոմպեոսը Ք.ծ.ա. 65 թ. Բուֆորում պարսպարված Միհրդատից՝ որպես խաղաղ բանակցությունների պայման, պահանջեց Տիգրանի նման գնալ իր մոտ, սակայն պոնտացին հրաժարվեց, ասելով. «Ես կմնամ Միհրդատ»:
- Տիգրան Մեծը համոզվելով, որ Տիգրան Կրտսերին խրախուսում է Միհրդատ VI-ը, որոշում է սպանել նրան: Նա Միհրդատի գլխի համար խոստանում է հարյուր փաղանդ:
- Տիգրանակերպի ճակատամարտի նախօրյակին հռոմեական բանակի մասին Տիգրանն ասել է. «Եթե նրանք եկել են որպես դեսպաններ՝ շար են, իսկ եթե որպես զինվորներ՝ քիչ են»:

Լրացուցիչ նյութեր

Տիգրանի հուսահատությունը

Տիգրանակերպի ճակատամարտից հեղտ Տիգրան Մեծը փախուսքի է դիմում: Փախուսքի միջոցին նա վերցնում է գլխի խույրը և արտասովորով փախի իր որդուն ու պարվիրում նրան ուրիշ ճանապարհով փախչել՝ իր անձն ազատելու համար: Որդին չի համարձակվում խույրն իր գլխին դնել և փախի է պահելու իր հավատարիմ սպասավորին, սակայն նա գերի է ընկնում խույրով, ինչը Լուկոլլոսի համար դառնում է հաղթանակի նշան:

Նահանջի ճանապարհին Տիգրանը հանդիպում է Միհրդատին, ով նրան դուրս է բերում հուսահատ վիճակից: Պոնտացին իջնում է ձիուց և սկսում է մխիթարել ծերունի թագավորին՝ համարելով այդ պարտությունը մեծ դժբախտություն երկուսի համար:

Դեռ ամեն ինչ կորած չէր և նրանք ձեռնամուխ են լինում նոր բանակ կազմելուն: Միհրդատը, չնայած իր ծեր հասակին, մեծ աշխուժությամբ սկսում է գործել՝ աջակցելով Տիգրանին:

Տիգրան Մեծը և որդիները

Տիգրանը չափազանց երկար է թագավորում և նրա որդիների համար դա մի դժբախտություն էր, որ ծերունին շուրջ էր ուզում մեռնել, որ հնարավորություն քա իրենց ևս թագավորելու: Նա Կլեոպատրայից ուներ երեք որդի, ովքեր թշնամիներ են դառնում հոր համար: Ավագ որդին՝ Զարեհը, մեծաբռնակների հետ մի դավադրություն է կազմակերպում՝ իր հորը գահընկեց անելու համար: Դավակիցները, իրենց ձեռնարկումը գաղտնի պահելու համար, երդման ծես են կատարում՝ խմում են իրենց աջ ձեռքից հանած արյունը: Շուրջով դավադրությունը բացվում է և հոր ու որդու միջև կռիվ է սկսվում, որի ժամանակ Զարեհը սպանվում է:

Երկրորդ որդին, ում անունը պարմությունը չի պահել, ուրիշ առիթից է օգտվում՝ գահը հափշտակելու համար: Մի անգամ Տիգրան Մեծը նրա հետ որսի է գնում: Մի ինչ-որ պարձառով նա ձիուց ընկնում է և ուշագնաց լինում: Որդին շտապում է նրա խույրն իր գլխին դնել և սուրը կապել իր մեջքին, մինչդեռ երրորդ որդին, ով նույնպես Տիգրան էր կոչվում, մնում է հոր մոտ և խնամում նրան: Տիգրանը ուշքի գալով, բռնում է ըմբուս որդուն և գլխապել փայխ նրան:

Ամենից չարանենգը, պարզվում է, երրորդ որդին՝ հենց այս Տիգրանն էր: Նա ևս սպստանքում է հոր դեմ, բայց պարպություն է կրում ու փախչում նախ՝ Պարթևստան, սպա՝ անցնում Պոնապետսի կողմը:



Լուկոլլոսի դեսպան Ապպիոս Կլավդիոսը Տիգրան Մեծի մոտ, նկարիչ՝ Բ. Պինելլի



*Տիգրան II-ի կանանոցի և գանձերի դուրս բերումը պաշարված Տիգրանակերտից,
նկարիչ՝ Զ. Ֆուզարո*

Դաս 27-28 Արտաշեսյան Հայաստանի դիվանագիտական ձեռքբերումները: Արտավազդ II

Գիտե՞ք, որ...

- *Հռոմեացի պարսիչ Տակիտոսը Արտավազդի նկարմամբ կարարած Անտոնիոսի սրոր արարքը բնութագրում է «անբարո վերաբերմունք հայոց Արտավազդի նկարմամբ»:*
- *Պարթև արքա Օրոդես II-ը լսելով Կրասոսի գլուխն իր ձեռքում բռնած դերասան Յասոնի արտասանած խոսքերը, ուրախացած նրան պարզև է փախ մեկ փողանդ:*
- *Մեզ են հասել Արտաշատի դրամատիկ հարած Արտավազդ II-ի գեղեցիկ արծաթյա դրամները, որոնց առաջին երեսին դրոշմված է արքայական թագով նրա պարկերը, իսկ երկրորդ երեսին՝ քառաձի ռազմակառք: Դրամների վրա հունարենով Արտավազդն իրեն անվանում է «արքայից արքա»:*
- *Ի պարիվ թագավորական կոչմանը, Անտոնիոսն Արտավազդ II-ին շղթայում է արծաթե շղթաներով, որոնք հեղազայում Եգիպտոսում փոխարինվում են ոսկյա շղթաներով:*

Լրացուցիչ նյութեր

Արտավազդ II-ի պատասխանը

Ք.ծ.ա. 31 թ. Ալեքսանդրի ճակատամարտից մի քանի օր առաջ Ալեքսանդրիա քաղաքի հանցանաց խուց է մտնում Կլեոպատրայի և Անտոնիոսի հավատարմարարը: Դիմելով մահվան դատապարտված Մեծ Հայքի արքայից արքա Արտավազդին՝ ասում է.

Արքայից արքա, առավոտյան դահիճը կգլխատի քեզ:

Գիտե՛մ,– հանգիստ պատասխանում է Արտավազդը:

Դու կարող ես փրկվել մահից:

Ինչպե՛ս

Համաձայնիր համբուրել Կլեոպատրայի շրջագգեստի քղանցքը և քեզ ազատություն կշնորհեն:

Չեմ կարող:

Ինչո՞ւ չեմ կարող:

Որովհետև կաշիս փրկելու և մորթապաշտի անուն վաստակելու փոխարեն ես պարտավոր եմ իմ հեղինակությունս ժառանգություն թողնել հայոց հպարտությունը, վեհանձնությունը և արժանապատվությունը:

Թագուհու սերը

Հայոց Արտավազդ II արքայի կնոջ անունը մեզ չի հասել: Ասքն ասում է, որ նա արտակարգ գեղեցկության տեր է եղել: Նրա գեղեցկությունը շարժել է Եգիպտոսի թագուհի Կլեոպատրայի նախանձը: Հին աշխարհի այս բռնակալուհին, մի անգամ դիմել է Եգիպտոս գերեվարված Արտավազդին և հարցրել.

- Հայոց արքա, դու կարո՞ղ ես ասել, թե ով է այս աշխարհի ամենագեղեցիկ կինը:

- Կինս, - պատասխանում է Արտավազդը:

Գուցե այդ մի հատիկ բառն է եղել պատճառը, որ Կլեոպատրան հրամայել է գլխատել Արտավազդին: Հավանաբար Արտավազդը Արա Գեղեցիկի նման շատ է սիրել իր կնոջը և տիկնունի (հարեմ) չի ունեցել, ինչպես իր ժամանակի տիրակալները: Գուցե Արտավազդին է պատկանում հայոց հնամենի առածներից մեկը. «Բոլոր տիկնունիները իրո ճարակ են դարձել մեծ սիրո բոցերից»:



Արտավազդի ժամանումը Եգիպտոս, նկարիչ՝ Ալ. Գրիգորյան

Հայկական թագավորությունները (Փոքր Հայք, Ծովք, Կոմմագենե)

Գիտե՞ք, որ...

- Հայոց թագավորներից առաջինը Ծովքի թագավորներն են իրենց անուններով սեփական դրամներ հափել:
- Արտաշես I-ը Կապադովկիայի թագավորին առաջարկել է մեջպեղից վերացնել Ծովքի գահի հավակնորդ երկու եղբորը և երկիրը բաժանել Կապադովկիայի ու Մեծ Հայքի միջև:
- Դեռևս Ք.ծ.ա. II հազարամյակում՝ Վանի թագավորության ժամանակ, Կոմմագենեն եղել է փոքրիկ թագավորություն՝ Կումախա, Կումմուխ անվանումներով:
- Կոմմագենեն ունեցել է հայրուկ մշակված օրենսդրություն: Բազմաթիվ օրենքներ արձանագրված են Նեմրոթում և թագավորության այլ կենտրոններում:

Լրացուցիչ նյութեր

Սամոսի հրամանը

Ծովք-Կոմմագենեի թագավորության հիմնադիր Սամոսը հրովարտել է արձակում, ըստ որի Սամոսապ մայրաքաղաքի քառասուն արհեստավորաց փները պետք է ամեն փարի պատրասարեն յոթ հազար ջրի պղնձե կուժ և յոթ հազար ձիու սանձ: Սամոսն ասում էր, թե կժերը՝ աղջիկների, սանձերը ձիերի համար են:

Մի անգամ արհեստավորաց փան գործավորներից մեկը Սամոսին ասում է.

Տեր արքա, Սամոսապում, նույնիսկ ամբողջ Ծովք-Կոմմագենեում փարեկան ոչ յոթ հազար աղջիկ է ծնվում և ոչ էլ յոթ հազար փղա, իսկ մենք կուժ ու սանձ ենք պատրասարում, համ պատրասարում, որոնք ձրի էլ չեն փանում:

– Դուք ձեր գործը շարունակեք, գործավոր,- ասում է արքան,- մի օր ասարվածները վերևից կրեսնեն, որ մենք շար ջրի կուժ ու ձիու սանձ ունենք և կօգնեն մեզ, որ հայ մայրերն ավելի շար աղջիկներ ու փղաներ ծնեն:

Դաս 30

Արտաշեսյան թագավորության պետական կառավարման համակարգը, բանակը, տնտեսությունը, հասարակական կյանքը

Գիտե՞ք, որ...

- Հայոց արքաներն ունեին պապիկապիպիդոսներ: Արտաշես I-ը կրում էր «Բարեպաշտ», իսկ Տիգրան Մեծը՝ «աստված» պապիկապիպիդոսները:
- Մշակ բառը նշանակում է հողի մշակությամբ զբաղվող մարդ, հողագործ, սակայն հնում այն ընկալվում էր որպես ուրիշի հողը մշակող հողագործ:
- Տաճարներն ունեին մեծ քանակությամբ սպրուկ-մշակներ: Մ. Խորենացին հաղորդում է, որ Արտաշես թագավորի զորավար Սմբատը որպես նվեր սրանալով քրմասպետ Երվազի 500 ծառա-սպրուկ, փանում բնակեցնում է նրանց Մասիսի թիկունքին իր հիմնադրած դաստակերպում:

Լրացուցիչ նյութեր

Հին սովորություն

Երկնային լույսի բարձր աստվածությունն ուներ Վահ կամ Վահե անունը, որից ծագում է Վահագն աստվածը՝ որպես Արեգակն աստծո հոմանիշ: Մինչև նախորդ դարը Վանի գյուղերի բնակչության մեջ պահպանվել էր մի գեղեցիկ արևապաշտական ծես. նորահարսին ու փեսային վաղ առավոտյան արևածագին, հանում են փան փանիքը, երբեմն գալիս է նաև քահանան: Նորապսակների երեսները դարձնում են դեպի արևելք, իսկ հանդիսականները երգում են:

Էգ (Այգ), բարև, այ էգ, բարև

Էգն արևուն փանք բարև

Տա թագավորին շափ արև,

Վահե, Վահե:

Առանց արևի կյանք չկա աշխարհում, և արևը հայ ժողովրդի գիրակցության մեջ կյանք հասկացողության նույնանիշն է դառնում, ուստիև երդվում են արևով, իրար արև, արևշարություն են ցանկանում: Դեռ Քսենոփոնն էր հայտնում, որ իր ձին փվել է հայ փանուպերին՝ Արեգակին զոհելու:

Գիտե՞ք, որ...

- *Էրապո թագուհին իր եղբայր Տիգրան IV-ի կինն էր: Եղբոր ու քրոջ ամուսնությունն ընդունված երևույթ էր հեղինակության երկրների միասպեյների ընդանիքներում:*
- *Օգոստոս Օկտավիանոսի՝ «Հայաստանը նվաճված» մակագրությամբ հարված դրամների վրա Հայաստանը պարկերված է կնոջ կերպարանքով, որը կան ծնկաչոք է Օգոստոսի առջև, կան թները փարածած է դեպի նա, կարծես ամեն ինչ փախի է նրան:*
- *Տիգրան IV-ի և Էրապո թագուհու անունով մեզ է հասել մի գեղեցիկ դրամ, որն այժմ պահվում է Փարիզի ազգային թանգարանում:*
- *Հռոմից կախում ունեցող հայոց թագավորները կրում էին «Մեծ թագավոր» փիլդորը:*

Լրացուցիչ նյութեր**Ջուրը մաքրում է օտարության փոշին**

Հռոմից հայրենիք վերադառնալուց և հայոց գահին բազմելուց հետո Տիգրան III-ի առաջին գործն այն եղավ, որ շրջագայեց Հայաստանի այն մասերում, ուր ջրվեժներ կան և լողացավ այդ ջրվեժների փակ:

Արքայից արքա՛, ջրվեժների փակ լողանալը, կարծես, սրբազան արարողություն է քեզ համար, – հարցրեց մի օր փերության սպարապետը:

Այո՛, սպարապետ, հայկական ջրով լողանալով ես ինձնից մաքրում եմ օտարության փոշին, հռոմեական սովորությունները և վերաբանում հայկականը, հայրենականը, իմ նախնյաց ոգին:

Հեղինակական դարաշրջանը Հայաստանում: Հայկական մշակույթի զարգացման առանձնահատկություններն ու ձեռքբերումները Արտաշեսյանների օրոք

Գիտե՞ք, որ...

- *Գառնիի հին դամբարաններից մեկում գտնվել է ոսկրից պատրաստված մի սրինգ, որը մեզ հասած ամենահին երաժշտական գործիքն է:*
- *Հունարեն «մինոս» բառը հին հայերենով թարգմանվել է գուսան:*
- *Քրիստոնեական ավանդության համաձայն, Վարդավառի փոնը կապված է համաշխարհային ջրհեղեղի հետ, իսկ Աստղիկը՝ Նոյի դուստրն է:*
- *Պետական փաստաթղթերը, նախքան հրատարակվելը, կազմվում էին արքունի գրասենյակում, պապիրուսի կամ մագաղաթի վրա, որից հետո փեքսորը փոխադրվում էր քարի վրա:*
- *Արտաշատ մայրաքաղաքը թողարկել է իր դրամները, որոնց մի երեսին պատկերված էր մայրաքաղաքի հովանավոր Անահիտ աստվածուհին, իսկ մյուսին՝ հաղթանակի թևավոր դիցուհին: Դրամի շրջագծում հունարեն գրված էր «Արտաշատ» մայրաքաղաք:*

Լրացուցիչ նյութեր

Ցորեն քարի վրա

Քարաշատ Հայաստանի մարդիկ գնացին բերրիության, մայրության և արգասավորության աստվածուհի Անահիտի մոտ և բողոքեցին.

Տառապում ենք մի կտոր հաց սրանալու համար, էլ ուժ չունենք: Դու բերրիության աստվածուհին ես, գթա մեզ, մեր դաշտերն ու հովիտներն ազատի՛ր ժայռ ու քարից և հողը դարձրու բարեբեր:

Քարքարորներից սրացած բարիքն ավելի քաղցր է,– ասաց Անահիտը:

Մարդիկ չհամաձայնեցին աստվածուհու հետ և շարունակեցին փրփրալիկ իրենց բախրից: Անահիտը սրիպված էր հրաժարվել իր մի սրունքից և այն նետել Բագրևանդ: Մարդիկ գնացին Բագրևանդ և րեսան Արածանի գետի ափին ընկած

քարե մի սրունք: Զարմացան: Միթե քարից է նաև ասարվածուիս ուրը: Հեզոն ցավից
տառապող Անահիտի ճակատից քրտինքի կաթիլներ ընկան քարե սրունքի վրա:
Սրունքը բեկվեց և երևացին ցորենի մի քանի հուռթի հասկեր: Այ քեզ բան, այս
ինչպես եղավ, որ քարի վրա ցորեն աճեց: Հայերը խնդրեցին Վրույր իմաստունին,
որ նա մեկնի այդ հրաշքը: Եվ Վրույրն ասաց.

Քրտինքով պիտի բարեբեր դարձնենք մեր քարքարոտ երկիրը: Քրտինք
թափելով ու աշխատելով կարելի է ցորեն աճեցնել նաև ժայռի վրա:



Արտաշես և Սաթենիկ, նկարիչ՝ Զ. Ֆուզարո